

355513

文學博士瀧川龜太郎著

史記會注考證

東方文化學院東京研究所藏版



昭和七年三月十五日印刷
昭和七年三月二十日發行

史記會註考證

定價 全十册 金參拾八圓
各册 金參圓八拾錢

著者

瀧川 龜太郎

發行者

千禧縣東八郎郡松戸町三丁目千八百九十一番地
多田寅松

印刷者

東京市神田區藥廠樂町二番地
足藤光之介

印刷所

東京市神田區藥廠樂町二番地
株式會社 開明堂 東京支店

東京市本郷區東京帝國大學附屬圖書館內

發行所 東方文化學院東京研究所

史記會注考證卷八

漢 太 史 令 司 馬 遷 撰

宋 中 郎 外 兵 曹 參 軍 裴 駰 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

高祖本紀第八

史記八

考證 史公自序曰：子羽暴虐，漢行功德，憤發蜀漢，還定三秦，誅籍業帝，天下惟寧，改制易俗。作高祖本紀第八。趙翼曰：史記高祖本紀先總敘高祖一段，及述其初起事，則

稱劉季得沛後稱沛公王漢後稱漢王即帝位後則稱王後代諸史皆因之其實此法本於舜典未即位以前稱舜即位之後分命九官即稱帝曰古時雖樸略而史筆謹嚴如此分命九官之前初咨四岳尙有一舜曰者正以起下文帝曰之例謂此帝乃舜也又顧命康王末即位以前稱子釗即位後即稱王亦是此例

高祖

集解 漢書音義曰諱邦張晏曰禮諡法無高以爲功最高而爲漢帝之太祖故特起名焉

慈良於喪當此之時殷衰而復興禮廢而復起故善之善之故載之書而高之故謂之高宗尙書孔傳云德高可宗孝惠即位之初叔孫通爲奉常定宗廟儀法則高祖之謚當屬稷嗣君所定因殷之謚耳非特起也尙書盤庚肆上帝將復我高祖之德孔傳斥湯顧命無壞我高祖寡命孔傳高德之祖寡有之教命王肅亦言謂文王也孔王之說皆漢後注經之言予疑祖之通稱高祖猶孫之通稱曾孫也非必以其功德言之

沛豐邑中陽里人

考證 沛江蘇徐州府豐縣顏師古曰沛者本秦泗川郡

之屬縣豐者沛之聚邑耳

姓劉氏

集解 李斐曰沛小沛也劉氏隨魏徙大梁移在豐居中陽里孟康曰後沛爲郡豐爲縣

高祖劉累之後別食邑於范士會之裔頃秦不反更爲劉氏劉氏隨魏徙大梁後居豐今言姓劉氏者是左傳天子建德因生以賜姓昨之士命之氏諸侯以字爲謚因以爲族說者以爲天子賜姓命氏諸侯命族族者氏之別名也然則因生賜姓若舜生姚墟氏以爲姚姓封之於虞即號有虞氏是也若其後子孫更不得賜姓即遂以處爲姓云姓處氏今此篇言姓劉氏亦其義也故姓者所以統繫百代使不別也氏者所以別子孫之所出又系本篇言姓則在上言氏則在下故五帝本紀云禹姓姁氏契姓子氏弃姓姬氏是也按漢改

泗水爲沛郡治相城故注以沛爲小沛也考中井積德曰史記之稱姓氏混合不別

不得據左氏作解錢大昕曰戰國氏族之學廢秦改封建雖公族無議貴之律民知有氏

不知有姓高帝起布衣太公以上名字且無考何知族姓所出故項伯妻敬賜姓劉氏以

氏爲姓遂爲一代之制史記書姓劉氏此漢制異於三代者後人謂漢堯後本祁姓識於

史公味於姓氏之別斯爲誕矣漢爲堯後說本向歆史公時本無字季索按漢

此單云字亦又可疑按漢高祖長兄名伯次名仲不見別名則季亦是名也故項岱云高

祖小字季卽位易名邦後因諱邦不諱季所以季布猶稱姓也考中井積德曰索隱

云漢書名邦字季今漢書無此四字王先謙曰索隱所云殆漢紀之誤梁玉繩曰季乃是

行高祖長兄伯次兄仲亦行也史以季爲字與索隱以季爲名竝非王鳴盛曰史記於高

祖云字季不云諱某餘帝則諱與字皆不書漢書本紀因之馬班自以爲漢臣耳其餘各

史則皆書諱某字某夫史以紀實也帝王之尊當時爲臣子者固不敢書其名字若史而

不書後何觀焉各史不襲班馬是也父曰太公同音正義皇甫謐云名執嘉王符云太上皇名熾與端

嘉執集解左師謂太后曰嫗愛燕后賢長安君禮樂志地神曰嫗嫗母別名也

也音鳥老反集解韋昭云嫗婦人長老之稱皇甫謐云嫗蓋姓王氏又據春秋握成圖

以爲執嘉妻含始遊洛池生劉季詩含神霧亦云姓字皆非正史所出蓋無可取今近有

人云母溫氏貞時打得班固泗水亭長古石碑文其字分明作溫字云母溫氏貞與賈膺

復徐彥伯魏奉古等執對反覆沈歎古人未聞聊記異見於何取實也孟康注地神曰嫗

者禮樂志云后土富媼張晏曰坤爲母故稱媼是也正義帝王世紀云漢昭靈后含始游洛池有寶雞銜赤珠出炫日后吞之生高祖詩含神霧亦云含始即昭靈后也陳畱風俗傳云沛公起兵野戰喪皇妣於黃鄉天下平定使使者以梓宮招幽魂於是丹蛇在水自灑躍入梓宮其浴處有遺髮謚曰昭靈夫人漢儀注云高帝母起兵時死小黃城後於小黃立陵廟括地志云小黃故城在汴州陳畱縣東北三十三里顏師古云皇甫謐等妄引識記好奇騁博強爲高祖父母名字皆非正史所說蓋無取焉寧有劉媪本姓實存史遷肯不詳載卽理而言斷可知矣考證漢書高紀無曰劉二字梁玉繩曰馬班以漢人紀漢事寧有不知高祖父母姓名之理乃太公不書名母媼不書姓豈諱而不書如諸帝之不書名邪李筌曰父曰太公母曰劉媪二句對舉不得省去漢書高紀母媼二字連下嘗息大澤之陂爲一句史記則別有共先劉媪四字屬下句不可同論也論衡吉驗篇云高皇帝母曰劉媪奇怪篇云高祖本紀其先劉媪嘗息大澤之陂皆有劉字可證其先劉媪嘗息大澤之陂夢與神遇是時雷電晦冥太公往視則見蛟龍於其上

案按詩含神霧云赤龍威

女媼劉季與又廣雅云有麟曰蛟龍考證其先猶言其初詩大雅生民厥初生民時維姜嫄俞樾曰五帝紀云擇其尤雅者故唐虞二紀悉本尚書高辛以上無稽則畱本紀山海經所有怪物不以入史至高帝紀乃有劉媪夢神白帝化蛇之事蓋當時方以爲受命之符不可得而削也世以史公爲好奇過矣已而有身遂

產高祖高祖爲人隆準而龍顏

案服虔曰準音拙應劭曰隆高也準類權準也顏額額也齊人謂之額汝

南淮泗之閒曰顏文。顏曰：準，鼻也。索隱：李斐云：準，鼻也。始皇蜂目長準，蓋鼻高起，爾雅：顏額也。文穎曰：高祖感龍而生，故其顏貌似龍，長頸而高鼻。考證：文穎曰：準，音準的之。準，顏師古曰：服音應說，皆失之。張文虎曰：據漢書注及索隱集解，文穎當作李斐。美須髯，左股有七十二黑子。

正義：河圖云：帝劉季，日角戴勝，斗髯，龍度，長七尺八寸，合誠圖云：赤帝體爲朱鳥，其表龍顏，多黑子。按左陽也，七十二黑子者，赤帝七十二日之數也。木火土金水各居一方，一歲三百六十日，四方分之，各得九十日，土居中央，竝索四季各十八日，俱成七十二日。故高祖七十二黑子者，應火德七十二日之徵也。有一本七十日者，非也。許北人呼爲黥子。吳楚謂之黥，記也。考證：顏師古曰：在頤曰須，在頰曰黥。仁而愛人，喜施。正義：喜，許記。意豁如也。反施戶或反

集解：服虔曰：豁，達也。常有大度，不事家人生產作業，及壯試爲吏。集解：應劭曰：應劭曰：豁，達也。

試補吏。考證：盧綰傳云：高祖與盧綰學書，此所以其能爲吏。爲泗水亭長。正義：秦法十里一亭，十亭一鄉，亭長主亭之吏。高祖爲泗水亭長。

也。國語有寓室卽今之亭也。亭長，蓋今里長也。民有訟，更謂不辨，得成共政，括地志云：泗水亭在徐州沛東百步，有高祖廟也。考證：王念孫曰：類聚御覽引泗水作泗上，與漢

苦廷中吏，無所不狎侮。正義：廷中吏，泗水及沛縣之廷也。狎，輕侮也。侮，慢也。府縣之吏，高祖皆輕慢也。考證：廷中非積德曰廷，謂縣

廷也。好酒及色，常從王媼、武負貰酒。集解：韋昭曰：貰，賒也。索隱：都誕生，貰，音世，與字林聲韵竝同。又音時夜反。

廣雅云、賁、賁也、說文云、賁、貸也、臨淮有賁陽縣、漢書功臣表、賁陽侯劉繹、而此紀作射陽、則賁亦射也、**正義**王嫗者、王冢母、武負者、魏大夫如耳之母也、**考證**漢書注云、如淳

曰、武、姓也、俗謂老大母爲阿負、顏師古曰、劉向列女傳云、魏曲沃負者、魏大夫如耳之母也、此則古語謂老母爲負耳、王嫗、王冢之嫗也、武負、武冢之母也、愚按、如顏二說是、又按

正義、依幻雲鈔、**醉臥、武負王嫗、見其上常有龍怪之。****考證**秘閣古補文有譌脫、

上有飲字、御覽引作、**高祖每酤留飲、酒讎數倍、****集解**如淳曰、讎亦售、時醉臥與漢書合、

蓋古字少假借耳、今亦依字讀、蓋高祖大度、既賁飲、且讎其數倍價也、**正義**按言聖帝所至皆有福祜、故酒讎數倍及衆驚怪、**考證**祕閣、楓山三條、南化本、高祖上有屬字、趙

翼曰、讎與售同、賣物受直也、武負王嫗、皆酒家、每值高祖酤飲、則人競買之、其獲利較倍於常也、宜帝少時從民間買餅所從買家、輒大讎、正與此相類、蓋高祖本紀自澤陂遇神、

至芒碭雲氣、皆記高祖微時符瑞、而此特共一端耳、索隱乃謂賁飲而**及見怪、歲竟**償厚價、則下文折券句又何說也、愚按、陳仁錫中井積德亦有此說、

此兩家常折券奔責。

集解周禮小宰、聽辨責以傳別、鄭司農云、傳別、券書也、鄭玄云、傳別謂大手書於札中而別之也、然則古用

簡札書、故可折、至歲終總奔不責也、**考證**責讀爲債、**高祖常繇咸陽****集解**應劭曰、徭、役也、**索隱**章

云、今長安也、按關中記云、孝公都咸陽、今渭城是在渭北、始皇都咸陽、今城南大城是也、名咸陽者、山南曰陽、水北亦曰陽、其地在渭水之北、又在九峻諸山之南、故曰咸陽也、

考證 秘閣 本常作嘗 **縱觀、觀秦皇帝。** **正義** 包愷云觀、上音館下音官恣意故縱觀、

民觀故曰縱觀愚按漢高紀少一觀字義異 **喟然太息曰。嗟乎大丈夫當如此也。**

考證 凌稚隆曰高祖觀秦帝之言較之項羽氣象自是迥別王鳴盛曰項之言悍而吳劉之言則津津不勝其欲美矣 **單父人呂公善沛**

令。 **集解** 漢書音義曰單音善父音斧 **索隱** 韋昭云單父縣名屬山陽崔浩云史失其名但舉姓而言公又按漢書舊儀云呂公汝南新蔡人又相經云魏人呂公名文

字叔 **避仇從之客。因家沛焉。沛中豪桀吏聞令有重客皆往**

賀。蕭何為主吏。 **集解** 孟康曰主吏功曹也 **主進。** **集解** 文穎曰主賦斂禮進爲之帥

賀客所進之財不必讀爲贐中非積德曰主進謂是時掌賀進之事也非平生職掌也 **令**

諸大夫曰進不滿千錢坐之堂下。 **正義** 大夫客之貴者總稱之 **考證** 秘閣本無進字之字何焯曰

漢書高祖紀詔書有云秦民得公大夫以上令丞與充禮諸大夫當謂此也趙翼曰沛中豪傑吏蓋不過鄉豪及健吏之類蓋秦制賜民爵有大夫官大夫公大夫五大夫七大夫諸稱度其時民之有此爵者人即以共爵呼之相沿 **高祖爲亭長。素易諸吏。乃**

給爲謁曰。賀錢萬。實不持一錢。

集解應劭曰。給。欺也。音殆。索隱韋昭云。給。詐也。劉氏云。給。欺負也。何休云。

給。疑也。謂高祖素狎易諸吏。乃詐爲謁。謁。謂以札書姓名。若今之通刺。而兼載錢穀也。

謁入。呂公大驚。起迎之門。呂公

者好相人。見高祖狀貌。因重敬之。引入坐。

考證祕閣本。人下有上字。楓三。南本。坐下有

上坐二字。

蕭何曰。劉季固多大言。少成事。高祖因狎侮諸客。遂坐

上坐。無所詘。

正義坐。上。坐。上。在果反。下。在臥反。謂言丘忽反。

酒闌。呂公因目固留高祖。

集解文穎曰。闌。言希也。謂飲酒者半罷。半在。謂之闌。正義曰。言故曰動而謂之。不敢對衆顯。

高祖竟酒後。呂公曰。臣少

好相人。

集解張晏曰。古人相與語。多自稱臣。自卑下之道。若今人相與語。皆自稱僕。考證顧炎武曰。漢初人。對人多稱臣。乃戰國之餘習。史記高祖紀。呂公

曰。臣少好相人。張晏曰。古人相與語。多自稱臣。猶今人相與言僕也。天下已定。則稍在差等。而臣之稱。惟施之諸侯王。故韓信過樊。將軍喻趨拜送。迎言稱臣。曰。大王乃肯臨臣。至文景以後。則此風漸衰。而賈誼新書。有尊天子。避嫌疑。不敢稱臣之說。王子侯表。有利侯。釘坐。遺淮南王書。稱臣棄市。功臣侯表。安平侯鄂。但坐與淮南王女陵通。遺淮南王書。稱臣盡力棄市。平棘侯薛。穰坐受淮南王賂。稱臣。在赦前。免。皆在元狩元年。而嚴助傳。天子令助諭意淮南王。一則曰。臣助。再則曰。臣助。史因面書之。未嘗以爲罪。則知釘等三人所

坐者交通之罪而自此以後廷臣之與諸侯王遂不復稱臣者爾

相人多矣。無如季相。願季自愛。臣有

息女。願爲季箕帚妾。

正義息生也。謂所生之女也。

酒罷。呂媼怒。呂公曰。公始

常欲奇此女與貴人。

井積德曰。奇是奇貨。可居之奇。謂欲以此女爲奇貨也。中

與貴人以釣利。盧文弼曰。欲奇云者。呂公自以己意奇而異之也。外戚世家。王太后母臧兒。下兩女。皆當貴。曰。欲奇兩女云云。文法正同。王念孫曰。漢外戚傳。霍光夫人顯。謂淳于衍云。將軍素愛小女成君。欲奇貴之。語意相似。鳳曾敘曰。欲奇此女者。言始欲顯異此女而嫁貴人也。欲字在奇字上。語意甚明。岡白駒曰。與上省一欲字。更文此類多。愚按。猶言欲與貴人以奇此女。奇字顯說是不必讀爲奇貨之奇。

沛令善公求之不與。何自妄許與劉季。

呂公曰。此非兒女子所知也。卒與劉季。呂公女乃呂后也。生

孝惠帝。魯元公主。

集解服虔曰。元長也。食邑於魯。韋昭曰。元謚也。正義漢制。帝女曰公主。儀比諸侯姊妹。曰長公主。儀比諸侯王。姑曰

時常告歸之田。

大長公主。儀比諸侯王。考證張文虎曰。類聚引。乃作郎。與漢書合。又曰。中統本。惠下有帝字。與漢書合。類聚及班馬異同。引俱有今補。高祖爲亭長。凶曰。寧孟康曰。告音如噪呼之噪。李斐曰。休謁之名也。告曰。告

有子告賜告子告者任官有功最法所當得者也賜告者病滿三月當免天子優賜復共告使得帶印綬將官屬歸家治疾也

索隱

韋昭云告請歸乞假也告告語之告故戰國

策曰商君告歸廷薦以爲告歸今之歸寧也劉伯莊顏師古並音古篤反非號譽兩音也按東觀漢記用邑傳云邑年三十歷卿大夫號歸龍厭事少所嗜欲尋號與噪同古者當

有此語故服氏云如號呼之號音豪今以服虔雖據田邑號歸亦恐未得然此告字當音詰詰號聲相近故後告歸號歸遂變耳

考證

古鈔本當作音與漢書食呂后

與兩子居田中耨有一老父過請飲呂后因舖之

正義舖必補反以食飼

人也父本請飲呂后因飼之國語云國中童子無不舖老父相呂后曰夫人天下貴人令相兩

子見孝惠曰夫人所以貴者乃此男也相魯元亦皆貴

考證 本無也字

老父已去高祖適從旁舍來呂后具言客有過相

我子母皆大貴高祖問曰未遠乃追及問老父老父曰鄉者

夫人嬰兒皆似君君相貴不可言

考證 祕閣本嬰兒作兒子

高祖乃謝曰

誠如父言不敢忘德及高祖貴遂不知老父處

考證 類聚引人下有也惠下

有帝元下有公主。嬰兒作兒子，皆與漢書合。漢書似作以論衡骨相篇作似宋書符瑞志作以如淳曰言並得君之貴相也。是從似字。顏師古曰言夫人及兒子以君之故，因得貴耳。是從以字。錢大昭申如說云：蓋言相之大貴，皆似君耳。非謂呂后之貌有類高祖也。愚按如錢二說是。李笠曰：老父以相法告人而不責報，所以爲德。高祖爲

亭長，乃以竹皮爲冠，令求盜之薛治之。時時冠之。

集解應劭曰以竹始生

皮作冠。今鵠尾冠是也。求盜者，舊時亭有兩卒，其一爲亭父，掌開閉掃除，一爲求盜，掌逐捕盜賊。薛，魯國縣也。有作冠師，故往治之。案應劭云一名長冠，側竹皮裏以縱前高

七寸，廣三寸，如板。又蔡邕獨斷云：長冠，楚制也。高祖以竹皮爲之，謂之劉氏冠。司馬彪輿服志亦以劉氏冠爲鵠尾冠也。應劭云：舊亭卒名弩父，陳楚謂之亭父，或云亭部。淮泗謂

之求盜也。正義冠音館下同及貴常冠。所謂劉氏冠，乃是也。

正義冠音官

顏師古云後號爲劉氏冠其後詔曰爵非公乘以上不得冠劉氏冠即此也高祖以亭長爲縣，送徒酈山。徒多

道亡，自度比至皆亡之。

正義度山洛反比必寐反考應劭曰秦始皇葬於驪山故郡國送徒往作姚範曰始皇初即位即

穿治驪山及并天下徒詣送者七十餘萬賈山亦云吏徒數十萬人曠十年到豐西

澤中止飲。夜乃解縱所送徒曰：公等皆去，吾亦從此逝矣。徒

中壯士願從者十餘人。高祖被酒夜徑澤中。

索隱舊音經按廣雅云徑斜過也字林

云徑小道也音古定反言酒後放徒夜徑行澤中不敢由正路且從小徑而求疾也

正義被加也令一人行前

正義行音下孟反行前

者還報曰前有大蛇當徑願還

索隱音逕鄭玄曰步道曰徑也

高祖醉曰壯

士行何畏乃前拔劍擊斬蛇

索隱漢舊儀云斬蛇劍長七尺又高祖云吾以布衣提三尺劍取天下二文不同者崔

豹古今注當高祖爲亭長理應提三尺劍耳及貴當別得七尺寶劍故舊儀因言之

正義按其蛇大埋須別求是劍斬之三尺劍者常佩之劍括地志云斬蛇溝源出徐州豐縣中平地故老云高祖斬蛇處至縣西十五里入泡水也

蛇遂分爲兩

索隱謂斬蛇分爲兩段也

徑開行數里

醉因臥

考證漢書一本因作困周壽昌曰據文義始曰被酒中曰醉末曰醉困臥情事明有次第醉後行數里而困故臥也困字較因爲勝

後人

來至蛇所有一老嫗夜哭人問何哭嫗曰人殺吾子故哭之

人曰嫗子何爲見殺嫗曰吾子白帝子也化爲蛇當道今爲

赤帝子斬之故哭

集解應劭曰秦襄公自以居西戎主少昊之神作西時祠白帝至獻公時櫟陽雨金以爲瑞又作畦時祠白帝少昊金

德也。赤帝。堯後。謂漢也。殺之者。明漢當滅秦也。秦自謂水。漢初自謂土。皆失之。至光武乃改定。索隱按太康地理志云。時在櫟陽故城內。其時如畦。故曰畦時。畦。音戶圭反。應注

云。秦自謂水者。按秦文公獲黑龍。命河爲德水。是也。又按春秋合誠圖云。水神哭子。褒敗。宋均以爲高祖斬白蛇。而神母哭。則此母水精也。此皆謬說。又注云。至光武乃改者。謂改

漢爲火德。秦爲金德。與兩金及赤帝子之理合也。人乃以嫗爲不誠。欲告之。

考證。秘閣本。人問下有嫗字。今下無爲字。義長。人乃以嫗爲不誠。欲告之。

集解。徐廣曰。一作苦。索隱。漢書作苦。謂欲困苦嫗之一本。或作苦。說文云。苦。擊也。考證。秘閣本。極山三條本。嫗下有言字。嫗因忽不見。後

人至高祖覺。索隱。包橙劉伯莊音。古孝反。後人告高祖。高祖乃心獨喜。自負。

集解。應劭曰。負。恃也。索隱。管灼云。自恃。斬蛇事。諸從者日益畏之。考證。楊循吉曰。斬蛇事。沛

下之愚夫婦耳。大虹大霓。蒼龍赤龍。流火之鳥。躍舟之魚。皆所以兆帝王之興起者。此斬蛇之計。所由設也。秦始皇帝常曰。東南有

天子氣。於是因東游以厭之。索隱。厭。首一涉反。又一時反。廣雅云。厭。鎮也。考證。秘閣本。無因字。漢書宣帝紀。後元

二年。武帝疾。望氣者曰。長安獄中有天子氣。高祖卽自疑。亡匿隱於芒碭山澤巖石之

間。集解。徐廣曰。芒。今臨淮縣也。碭縣在梁。碭案。應劭曰。二縣之界。有山澤之固。故隱於其間也。正義。括地志云。宋州碭山縣在州東一百五十里。本漢碭縣也。碭山在

縣東**考證**趙翼曰。卽自疑三字。高祖匹夫而以天子自疑。正見其志氣不凡。漢書刪之。愚按。上云。心獨喜。自負下云。心喜。此亦不可無。卽自疑三字。

呂后與

人俱求。常得之。高祖怪問之。呂后曰。季所居。上常有雲氣。故

從往。常得季。高祖心喜。

正義京房易兆候云。何以知賢人隱。顏師古曰。四

后望雲氣而得之。**考證**徐季遠曰。高祖隱處豈不陰語。呂后耶。隱而求。求而怪。皆所以動衆也。沛中子弟或聞之。多欲附

者矣。秦二世元年秋。陳勝等起。斬至陳而王。號爲張楚。

集解徐廣曰。高祖時年四十八。**案**應劭云。始皇欲以一至萬。示不相襲。始者一。故

至子稱二世。崔浩云。二世始。皇子胡亥。父按善文。稱隱士云。趙高爲二世殺十七兒。而立

爲王。則二世是第十八子也。斬。縣名。屬沛。音機。又音旂。

考證祕閣本。起作越。非是。斬。安徵鳳陽宿州陳河南陳州。

諸郡縣皆多殺其

長吏。以應陳涉。

考證張文虎曰。上作陳。勝此作陳涉。當有一誤。

沛令恐。欲以沛應涉。掾

主吏蕭何曹參。**案**按漢書蕭曹傳。參爲獄掾。何爲主吏也。乃曰。君爲秦吏。今欲背之。

率沛子弟。恐不聽。願君召諸亡在外者。可得數百人。因劫衆。

衆不敢不聽。

索隱說文云：以力脅之云劫也。考證秘閣本：重子弟二字。顏師古曰：時苦秦虐政，賦役煩多，故有逃亡辟吏。

乃令樊

噲召劉季。劉季之衆已數十百人矣。

索隱漢書作數百人。劉伯莊曰：數十人或至百人，則是百人。

已下

於是樊噲從劉季來。沛令後悔，恐其有變，乃閉城城守。

欲誅蕭曹。

考證中井積德曰：衍一城字。愚按：漢書亦有。

蕭曹恐，踰城保劉季。

集解韋昭曰：以爲保障。

考證王念孫曰：保者依也。左傳：倍二年，保於逆旅。杜注：訓保爲依。史記周本紀：百姓懷之，多從而保歸焉。荆燕世家：與彭越相保。莊子：列御寇篇：人將保汝。保字義同。劉

季乃書帛射城上，謂沛父老曰：天下苦秦久矣。今父老雖爲

沛令守，諸侯竝起，今屠沛。

索隱按：范曄云：剋城多所誅殺，故云屠也。

沛今共誅令，擇

子弟可立者立之，以應諸侯，則家室完。不然，父子俱屠，無爲

也。父老乃率子弟共殺沛令，開城門迎劉季，欲以爲沛令。劉

季曰：天下方擾，諸侯竝起，今置將不善，壹敗塗地。

索隱言一朝破敗，使肝